



三淵集三

詩

~ 16
2423
3



2423
18-3

三淵集卷之五目錄

詩

四嫂李孺人挽 七首

槩溪雜詠 八首

秋感 十一首 卷二三五六八九十

槩溪漫詠 七首

送士敬之湖中 二首 第一

山居感懷 三十首

草木齋漫詠

渡鵝湖

樂溪書齋

漢城

曲橋村夜吟

盤溪感懷 二首

又賦 三首

明村見楮島舊梅有感

曉雨

霽望

暮登亭臯

與族孫明行次杜律韻

曉吟示敬明 二首

盤溪雜詠 十一首

盤溪十六景 十六首

續題 二首

盤溪呼韻

暮叩李子文白月亭

玉流洞愴懷以清暉能娛人分韻得五律 五首

白月四時詞 四首

春卷

槃溪四時詞 四首

春卷

哭洪仁甫 五首

次敬明有懷韻 二首

寄盤溪 四首

漫吟

玄欽甫

若昊

歷險遠訪至意不可以言謝輒以

一詩剖懷二首

晨步川上戲賦所見疊看字

同步溪邊見山僧來過

夜深後步月籬外二首

寄明行二首

五

復疊中字

趙正郎

景望

內室挽二首

出城

到盤溪

次李君必升韻

詠鄭龍川

時疑

盤溪詠雪

二首

五二

感懷示敬明

十首

五

槃溪賦雪用盤溪韻

七首

五二三

路中遇雪又疊前韻

二首

五二

楓溪詠梅

又賦

又疊喧字

冰湖與最良兄

盛景

李子東

海朝

同賦

次鞍字

次仲氏會石室韻

又疊鞍字却寄冰閣

三首

第一

復疊前韻求教冰閣

五首

第一

昨日乃立春也延望江干懷不自聊偶成兩律

并以錄呈

二首

第一

復疊前韻

二首

追挽拙修齋趙公

十一首

第一二三四五六七十

哀馬為虎所噬

二首

三淵集卷之五

詩

四嫂李孺人挽

甲戌

吾弟大有既喪室踰月而悼愈甚既而授紙于兄弟而泣曰非挽之謂也願得數言若誅者以慰逝者吾所以塞吾悲非是則無可用情惟兄弟之圖之也嗚呼誰無兄弟誰無嫂叔使嫂而不賢今日之可悲者猶為無窮况以我平生所感服而其愛一言於斯哉誠則然矣文有未逮援筆涕盈咽促不成辭深知



三淵集
不足以有慰吾嫂而冀大有之猶曰生於情
云爾

膏梁性難正統綺意易驕男兒廣讀書此習或未消
王孫有我嫂若自主華來低顏執謙素洞屬若將顏
尊章仰大燾娣妙視同胎漿酒是雅議鹽絮敢逞才
如何百順秉不爲萬福縈惻惻蘋藻悔哀哀黃鳥鳴

其二

我弟頗介烈出門寡朋知歸來樂我員閨問好襟期
賦淡和得中廉肉諧無虧鏗鏘車牽韻洒落雞鳴規
艱難荼是薺憔悴竟爲誰當言未及言已訖百年期

長簾古亦有斷絃獨我私三年與經焉最爲沒身悲

其三

自嫂入我門苦少平樂時箱委嫁時衣畫休十年眉
西林鳩欲定半巢滄桑移荒天望海哭苦峽拾橡悲
嗚呼可忍說存沒竟如斯潺湲白雲川井臼猶在湄

其四

阿孃閱人多簪珥少可許阿妹難再得於嫂視孝女
蒙愛喜不忘敢自惰其躬益進婉愉誠不設我慢容
淳熬每絡繹一一見其忠純慤著終始况茲伶俜中
竟畱臨絕言感結我慈胸堂萱爲誰悅菽水木洞空

其五

大兒長如棘迎婦纔入室小兒脆如卵遊不遠離膝
辛勤以鞠養惻愴以訣絕呱呱彼黃口永留可憐物
偏慈委我弟眼枯於提恤空閨暖誰守季女夜幽咽

其六

昔讀棠棣詩感我莫如情壘篋翁而後琴瑟致其平
今於我嫂賢深見相須樂琴瑟協而後壘篋益無斃
父母其順矣歌笑生酒食平居則如此患難恩彌積
長悲撫短服猶疑古人薄

其七

杲杲其白日夢夢天愈昏安能久此世逝矣侍九原
窮天我雪谷淺丘猶戴盆春風翠栢枯子規淚至根
新墳近如願庶幾日源源依違木洞夕應有左右魂
嗚呼忍多杼生死俱煩冤

檠溪雜詠

六載冰魚命哀哉已白頭人間無面立林下以身投
月迴蘆門夕風高檠水秋流光又如此俛仰欲何求

其二

井上婆娑柳秋風南向扉生涯知有定歲晚願無違
碧嶺遙簷對寒灘闊圃圍家人來試爨滿谷暗煙霏

其三

家人徙宅日日氣暖如春井臼從心在桑麻滿眼新
今成百年計永不四方人緩步巡籬落吾廬事事真

其四

袞袞龍門勢扶輿到我家園高用幽藪川轉得明沙
釣渚移濠濮禪廬擁若耶西灣最幽媚準擬種桃花

其五

不寐衰應甚高秋夜亦長披衣霜滿峽倚木月流岡
暗淚沾雙劍危腔激九章無情惟老昊六載但蒼茫

其六

濁世靈均怨荒山杜老愁星搖三峽曉風颯九歌秋
今古相為接乾坤一以悠永懷誰與語激激但寒流

其七

秋氣淒幽峽蕭條坐苦菴蟲聲依老木螢火過寒潭
道業心消長田園計二三無成乃至此中夜撫心慚

其八

天地無情極徒然霜露深推遷自四節悽慨每孤心
木落愁無那宵長淚不禁懷茲蓼莪怨長卧槩溪潯

秋感

今年八月早霜風况復楊根衆峽中月谷蕭蕭凋綠

蕙鵝湖澹澹倒丹楓千秋曠望同騷怨萬化相尋自
歲功臨水登山非得已長歌痛哭恨難窮怨一作意

其二

吾生懷抱與誰同吾復胡為在此中天路孔艱將落
日人間何世尚回風層雲絕嘯愁僊鹿古木寒潭過
塞鴻耿耿長宵三五起緯星寥落滿天東

其三 屬伯氏

嗟吾兄弟合相依酷閱人間死喪威海島天風號遠
櫬山阿蘿薜護孤闈殘軀滯世相看老遺訓藏心可
恐違木谷蘆門四十里天寒思問伯康衣

其四 屬仲氏

先人穎上屬吾兄了得雲菴送老情滿谷松陰開產
業隔溪風珮奏家聲居幽更願觀心密世晦應須作
譜明小宛吟來增悵望磔溪西畔暮屏營

其五 屬大有

君頰鰲枯我鬢蒼舍哀茹憤六年強雲菴泣月星圖
小雪谷畱燈劔說長炯炯心肝猶耿耿結悠悠時事但
低昂吾儕日月知餘幾莫以無裳怨夜床

其六 屬敬明

憐君肺病值秋衾悲憤中來病轉深鬱鬱埋泉蟠氣

劍沉沉藏匣隔風琴見時丹竈同歸願喪後朱書獨
究心日邁月征吾有愧高堂温清曠如今

其七 屬伯父

寂寂寥寥華嶽陰避喧猶問太初深千峰萬壑屏營
迹五柳孤松繼述心帶性淵明空詠史忘情王子亦
投琴蕭條濁世誰知己梅月堂中梁甫吟

其八 屬仁甫

惻惻中宵涕自而悠悠天道可悲疑風霜輒委崇蘭
質雷雨猶存惡木枝邵易携來燈下坐牙琴彈向世
間誰溪牕乍入藤蘿月宛是楊山對榻時

其九 屬三奎淵

一幅丹青曾祖樓玄潭鉅石嶺西幽迷孫邂逅雲間
築盡室怡愉雪裏遊往復千篇村字起存亡百變瀑
泉留碧紗紅壁紆初計悔把名區博一牛 盡室一作諸父

其十 屬楮子島

蒹葭白露迴蒼蒼所謂名亭水一方簾外虛明迎月
速枕邊伊軋送船長漁竿金鼎方將換滄海桑田若
是忙忍作秋風放溜計沿流哭斷百年腸

其十一 屬雪嶽山

寒溪一道曲淵通雪嶽雄開萬玉叢鳳寺昭嶢雲在

三淵集
下鯨波滉漾月生東捫蘿獨造千尋瀑折蕨遙瞻五
歲童信合伊時仍落髮胡然復墮苦塵中

槲溪漫詠

土銼松燃坐夜闌老農談罷靜相看如今京野無淳
俗願欲從君至歲寒

其二

山昏籬落但聞溪時見疎星亂木西莫道霜田收穫
少夜春常犯五更雞

其三

嚴霜暴電迸嘉田蕎麥綿花不復全沒世爲農聊復

爾頑生不欲受天憐

其四

山奴刈稼隔疎籬見亦拋書出見之老子年來農興
薄却來川上歎如斯

其五

山氣籠嵒紫靄多碧溪西下又微波鵝湖日入嗟今
夕歸掩荆柴意若何

其六

老疾俱來懶遠尋聊棲此地亦雲林青華山色徵佳
夢黃檗溪聲會苦心

其七

棲鳥投林稍覺多山空水暗但雲蘿荆柴欲返迷趨
向蕎麥田頭有杵歌

送士敬之湖中

松楸多落葉晨起問秋聲我有平生淚君將明日行
賓鴻盈內浦別馬背東城預恐前期闊高情懶就名

其二

度盡山牕月離言入夜分心肝長歷歷歧路幾紛紛
去作龍歸澤畱爲劍射雲重陽在別後何處望夫君

山居感懷

悠悠世路廣嗟我勢窮絕滄波未能蹈寄顏在巖穴
山深春亦至紅綠萬壑纈駸駸見爾欺踽踽向誰悅
秋來喜調同衆芳隱霜雪榮華豈非夢瀾漫會寂滅
蒼松獨偃蹇夜風尚淒切

其二

山木綠已凋玄蟬去何歸江湖風且寒孤鴈亦無依
寥落龍門下薜荔網我扉嵐陰翳窮岡白日到簷稀
登高望大荒但見繁霜飛於焉天路窮撫臆淚沾衣

其三

青溪數曲幽不復有蹄輪種檠百餘株蒼然自成隣

三淵集
翳翳景將入霜雪耿相親苦情一如此芳意莫復陳
村翁倘相憐呼我槩溪人

其四

新澗柳下井水深隔月光沉沉更誰汲欲唾我心傷
蒼天蓋謂高窮谷有彷徨嵐陰山氣晦木石夜風長
明月幾千古美人杳西方

其五

今日山又昏暝煙處處生漁樵不復行澗道存虛明
望望逍遙谷幽哉女蘿縈山居五六載灰慮謝將迎
入獸豈亂羣有客時復驚人信可哀寂寞以慰情

其六

長夜何時朝雞鳴庭樹寒霜月似已高蒼蒼翳四山
呼童起飯牛參昴挂何巒暖然向東牕百慮浩翻瀾
已驚夜夢非重嗟百年艱古人有悲歌憂存窮達間
爲農畢余分坎壈腐心肝

其七

日夕遊川上徘徊如有求靜觀山木凋遠挹嵐煙收
雲雷如昨日流澌半江流萬化信塊軋至人與沉浮
玄通恨不早事往爲誰謀

其八

寒候何以早薜蘿連茅茨蟋蟀已在堂歲華亦云衰
驚飈鼓八荒撼我黃檗籬惋惻百年命蹉跎三秀期
霜寒澗水落夜永山月遲人間有歌笑窮寂爲我時
但見萋楚樂誰聽蓼莪悲

其九

溪水始微凍風難有時鳴星月皎四山牕燈耿猶明
覽物有難平浩然百感生俛仰則萬古悠悠已三更
寒松韻層巘無乃遠琴聲惻惻以徂夜雲河亦西傾

其十

東方荒亭亭北陸堅冰至翩翩山外鳥去去落何地

良辰不可思幽壑萬行淚天高安敢怨顯晦看人事
好名自東漢務實惟五季能辨必有人嗟爾青與紫

其十一

寒雨暗天象牕帷雲霧深人寰誰不睡阡陌月方沉
繁辭無與訴沉嘯以幽吟黯黯見在身忽忽過去心
雞鳴何所之擁恨惟雲林

其十二

聖人難語默利弊皆我啓秦火旣短氣莽經可釀涕
皇極演中字貽禍千載底暖姝與凶猾變如實昆弟
胠篋必仁義金椎亦詩禮真僞自人情古今浩一體

其十三

崑山有烈焰球琳在風前魯郊有殺氣麟今百獸先
河源得無涸洙泗空潺湲古之百六會與受乃忠賢
便娟青紫子龍斷計百全泫然歌兔爰王風日蕭然

其十四

砥柱屹千仞猛河為倒回鳳凰翔其間一逝曷云來
仁義道方消勢利日崔嵬肉食余何誅菁莪塗草萊
四維今如何管氏其小哉

其十五

梧桐綠萋萋美哉朝陽暉嚴霜驟黃隕一與衆卉腓

鷓鴣迭來噪焉知鳳凰枝夜蚤與腐鼠啾唧方得時
但但我何恨一葉乃表微

其十六

天地喟然風松栢在須臾龍顛崖谷裂石蘭下萎枯
草木有相關人生頑且愚兒時讀孝經壯大談孔周
滄溟六年咽食稻我顏腴步出上西門遙望秦女休
真如古人說五子不盈隅

其十七

大運塊無垠為物誰能壽人生信泡幻哀樂亦時有
荒天與苦海如何我生後羲農日月閒姚姒風流厚

冥棲感鴻濛白雲自悠久

其十八

乾元正性命純粹其如何蒼蠅傳其羽猛虎利其牙
天矯五龍勢羸豕一爲多窮人能無怨天道乃爾差
鷄鳴月且黑豺虎非咄嗟周公善安命東山悲太過

其十九

世無諸葛亮誰知漢與賊嗟嗟荀華徒能事在破壁
忠義我所安成敗爾得得千秋深山中遺表有生色
村童五更誦燈火在我側一聽再三嘆浪浪浪浪沾臆
風悲入灘瀨雪暗連松檜此意轉蕭瑟掩卷且使寂

永望華陰祠淵龍更幽默

其二十

白日晚回光明月出雲間滄溟蕩圓暉魚龍舞波瀾
物大有可觀玄黃更造端焉知西南風邪沴來相干
陰虹侵白道蟾兔爲誰安吳質獨不寐抱斧增長嘆

其二十一

盲風自南來萬象閉愁煙登高望蘭澤莽莽盡茅田
覽察豈未得時運有使然迴車入中谷惡木壽千年
楚老泣何及鳳歌空怨天

其二十二

三淵集
正直自人性天命定乎早世運所淪胥誰能免顛倒
命物若無權人心方浩浩投膠濁河中未清髮先皓
風海蕩未央驚鱗苟自保

其二十三

平生綠綺琴蓼莪廢七絃歸來龍門北山水自相連
蔥蒨叢桂幽瀏亮松風前煩冤成苦調生滅口耳邊
人間無此曲日暮誰爲傳嗒然時遊目蕭蕭鴈流天
知音已矣哉湘水遠潺湲

其二十四

少時喜服餌遂求神僊道丹書吟素月夜氣來鮮灑

飛步蓬萊山東皇識名早未託冷風便翻爲抱霜草
望望雲海泣瓊樹老圓島

其二十五

神人在姑射縹緲冰雪顏昏然黃屋尊焉有夔龍班
莊生爲我言勸我出塵寰上可隣太初下可戲雲端
欣然風腋輕軒冕如等閒焉知世界陷窮谷泣血斑
悲歌荆聶徒歲暮可往還箕山與頴水白雲其何攀

其二十六

西方有聖人其言乃西方空色冥一真緣假中銷亡
八池湛琉璃玲瓏寶月光濯此蓼莪身片時獲清涼

三淵集
非謂道無上知爾爲醫王

其二十七

歸來已遲暮俛仰將何俟霜雪是懷抱山鬼乃知己
有時忽狂瞿出谷迷所止願隨孤飛鷗遊戲寒湖水
畏有漁父來問是誰家子

其二十八

臨江以北望我思何茫然逝川不可淹洲渚更聯綿
蒼蒼蒹葭色去入龍山煙江湖亦云廣日夕少虛船
極目遠潮至歸鴻已沒天悠哉好形勢定鼎三百年

其二十九

昔我不勝秋狂顧以東行捫蘿上雪嶽巾履白雲平
松杉秀大壑瀑布左右鳴放歌忽痛哭不忍見滄瀛
下弔梅月基如見採薇情夫君尚如此何以置殘生

其三十

昂昂慶雲山再宿愛境清雲蘿九松暗霜月西川明
其人信可慕紈綺契高情況吟撫史牒知爾懶簪纓
攸緒愧同污向牛歎無兄感憤或淺深俱使身名輕
古來巖穴士心迹不盡并誰知息菴樂中自帶不平

草木齋漫詠

虛廓松楸側蕭條萸菊前來非燕雀賀坐卽弟兄聯

稻穫看平野荷凋聽細泉留連得今日所以永殘年

渡鵝湖

來往何蕭索秋風意自殊家深黃檗谷船小白鵝湖
暮嶺孤雲往霜洲宿莽枯高深捨搖落興歎此窮途

曲橋村夜吟

村店煙將歇征駒秣有聲長江背後浪南漢眼前城
氣欲逢秋烈愁多見月生含蘆孤鴈過知爾不平鳴

盤溪感懷

亭臯老樹尚婆娑上有危巢護我家半日彷徨猶露
草百年嗚咽在漁簑江移桑土來帆逼潮滿楊川去

鴈斜聞說前溪魚蟹賤隣家有樂莫相誇

其二

春江色綠映牕紗乳燕交飛桃始華往者怡愉將母
樂今焉蕭瑟使人嗟年深壁溜圖書雨秋晚堤枯蓼
葦花北望層陰城闕大含悲目送上林鴉

又賦

已無如意事惟有不平鳴松菊滋清淚蒹葭駐遠情
江山萬里勢車舸幾人征坐覺秋懷變方看雨雪盈

其二

逐望煙江闊清愁水上盈驚知賓鴈散忙見賈帆輕

三淵集
落景龍山紫寒沙鷺渡明彷徨如有待稍見暮潮平

其三

宋玉漫九辯梁鴻胡五噫終看此身苦頗怪古人悲
落木浮江遠孤鴻向楚遲漁歌頻入耳不敵蓼莪詩

明村見楮島舊梅有感

江湖吹笛落梅天人與梅花兩箇僂黃鶴不歸樓已
碎羅浮一夢月空圓那無健步移林下未忍孤芳著
淚邊無限山川與冰雪何時重續舊因緣

曉雨

冥冥犯曉雨應自海門西滴瀝無邊木蒼茫不已雞

霜江添改岸霧港咽平溪未定高樓寢遙船念却迷

霽望

霽曉看洲渚江流深幾篙依沙千纜靜裊霧萬樓高
吞吐猶西溼森羅自北臯碁汀添冷落一倍鴈嗷嗷

暮登亭臯

若有感恨至徘徊多在斯江天每落日洲渚更須誰
夕鳥蘋中息陰霞水面移明星仍可步惆悵度崦嵫

與族孫明行次杜律韻

白蘋花落白雲飛迥立亭臯共振衣漢地山川如此
美吾宗孫子似君稀西江舟楫煙中細北垞樓臺雨

三淵集
外輝畫角一聲生極浦日將暮矣悵忘歸

曉吟示敬明

杜枕江聲遠姜衾曉月高衰深知愛至睡淺覺神勞
夜氣存如線秋懷起似毛行年四十二萬事亦滔滔

其二

卧知江浦近涼氣半簾通星月雞聲變煙霜鴈叫同
澄心空宿計觀物豈新功又復楊根去飄颻幾歲蓬

盤溪雜詠

寒牕迥對越江山松菊園荒掩淚看采采旅葵羹欲
熟澹然煙火柳榆間

其二

先人愛此懶簪纓詩與高樓一並成童稚眼中春帖
子盤溪二字滿牕楹

其三

垂柳婆娑老漢南樹猶如此我何堪見時喜逐雙鳧
戲誤墮前溪茅幾潭

其四

盤溪百曲半爲磯海氣衝梁紫蟹肥又得寒魚宜老
母應收血淚補蓑衣

其五

三淵集
風簷雨壁半樓欹
斫取園松歲暮支
惟有青芹田上
井猶含古色
映疎籬

其六

龍山西望夕波紅
層疊樓臺出霧中
舊種蒼松今百
本已遮銅雀數帆風

其七

返景微茫月欲生
秋陰靉黳漢陽城
高鴻半落楊花
渡脉脉寒鴉向北征

其八

彭蠡湖邊去思長
如何淺渚尚徊徨
山哀海怨吾兄

弟可有餘心戀稻梁

其九

浪梗風蓬未定身長
歌短劔不平人
憧憧鹿豕深山
宅默默魚龍大澤隣

其十

鶴髮高堂泣素裙
檠溪寧可久違親
深山作炭餘錢
息買得扁舟下瀨頻

其十一

飛藿飄零野欲清
霜畦又見麥青生
悠悠物化無時
息注目長江聽櫓聲

盤溪十六景

三峰高挹閬風遙自起層霞萬仞標散影京江波似
綺漢陽佳氣自朝朝

右華頂層霞

天邊昂嶽屹相逢老樹西南亦數峰不盡陰晴吞吐
意歸雲往往挂層松

右冠嶽歸雲

蒼蒼入目遠松林牛背蠶頭萬蓋陰安得長青滋霸
氣千年不受斧斤侵

右木覓松林

高低捻是好樓臺落景晴天滿岸開倚檻鈎簾人悄
悄望中遙會笛聲來

右濟川樓臺

江邊古意藹千桑漠漠春陰嫩葉長采盡青蘩蠶妾
懶滿林黃鳥勸移筐

右蠶野春桑

蘆花雪白小沙洲叢鴈來來唼喋畱彭蠡歸心應浩
蕩夜天時有數聲流

右碁洲秋鴈

銜尾千帆泝碧流江回時復偃沙洲悠悠物役灘聲

三游集
遠風送魚鹽水上州

右東湖上帆

拍拍楊花渡口風須臾已白露梁東古來無限盈虛
說注目長空月似弓

右西浦來潮

無限雲雷草樹前矮簷終日雨聲連江南溪北青郊
感俄復漫漫合遠天

右盤溪潦漲

亭臯迥望在寒晨下渚蒼茫凍合津沙際凌兢驢馬
小雪風吹倒買魚人

右露梁冰雪

落日乘波長岸紅樓臺明滅萬帆叢江山形勢非搖
動檢爲頽霞媚遠空

右龍山落照

寒葦風高日欲橫煙波兩岸馬嘶聲誰能逼水方垂
手稍見登沙有緩行

右雀津爭渡

男歌女饁午時田浦黍央央欲過肩橋北一鋤來驟
雨短簑輕笠就漁船

右近郊簷笠

三泚集
江天無月聞煙汀水面浮來數箇星斟酌漁船篷底
事得魚將泊濟川亭

右遠村漁火

護壑藏丘特地垂數株門巷靜相宜微風邂逅來人
面多在炎亭枕簟時

右柳巷微風

半畝蓮池澹不深碧莖清露洗孤襟三更霽月來相
照雙會濂溪一段心

右蓮池霽月

續題

先子巖廊夢思分經綸一半落江雲風花雪月空心
草未判當時訣 聖君

其二

十六篇成淚血斑江山如右好誰看百年繼述惟題
品吟卧高亭覺我頑

盤溪呼韻

亭臯憑落日江盡海迢迢暮氣歸高鴈秋聲進遠潮
重携聊破涕極望易生謠不盡煙波意寒樓更卜宵
暮叩李子文白月亭

煙水東西合舟移岸是非寒魚驚叩柁暝鳥散敲扉

入室篝燈在論心渚月微追來兩郎笑沉網始言歸

玉流洞愴懷以清暉能娛人分韻得五律

孤兒滄海淚流入漢陽城畫閣名仍舊青山氣益清
闌干蒼鼠出泉井紫苔盈鐘鼓今何在松風卯酉聲

其二

在昔繁華際承顏擁翠微鳩車遶池緩雛戲下樓稀
客散門如水朝回花滿衣苔階淹日影小吏玩清暉

其三

過門人有弔忍淚我偏能滴滴看桑海青青撫柏陵
霜清園鳥叫潦盡石潭澄

一作鳥啼霜葉積蓮盡石池澄

邂逅逢搖

落啁啾百感仍

其四

茲區兼奧曠爲勝冠京都溪邃清風會巖高大隱俱
洛園存獨樂韋樹盛羣娛觀漲繁詞翰雲雷散萬珠

其五

直不傳舍閱終然門巷陳柳深堪鳥宿松老已龍鱗
黃鵠霜闥月紅梅露井春清暉滿眼在那可更娛人

白月四時詞

烏紗高閣晚簾外問如何草色汀洲合江光穀雨多
魚依花岸躍人在柳陰歌更向垂巖立漁舟潑潑過

三淵集
右春

茂樹東西岸中流亦綠陰
炎烝人世遠床簟晝軒深
酒席移荷院茶鐺過竹林
微茫鵝浦雨天際以爲心

右夏

庭宇生秋易臨江種有楓
霜連紅蓼澗風入綠蘋空
度枕流寒槩當軒泛夕鴻
煙洲聞楚詠人自槩溪東

右秋

暮天風幔急雲雪一江寒
積素平羣峽殘流響數灘
龍津灞水意牛渚剡溪看
酌酒遙招喚漁叟到竹欄

右冬

槩溪四時詞

莫言春到晚山靜占春多
聽鳥知花拆看蜂愛景和
高巖桑婦歇深嶂木人歌
一雨殘燒淨青薇長幾何

右春

太古陰崖雪山居不啻秋
松雲虛把扇溪月靜流頭
熱客千峰外涼牛萬木幽
羲皇隨處是不向北牕求

右夏

松桂淒疎薄高風月谷西
楓明潭徹底橡落葉平蹊
遠鴈應鵝浦疎鐘自虎溪
牛歌更迢遞晚穫下雲梯

右秋

寂寞圍爐坐柴門用汲薪葉風知冷苦松雪見清真
時節休他籟乾坤謝外塵冥棲一如此無夢到陽春

右冬

哭洪仁甫

嗚呼我仁甫爾胡爲止此嗚呼我仁甫爾不宜止此
爾質蘊百善爾志浩萬里祥麟不折草怒鵬將擊水
誤落缺陷界仁壽豈定理無知見伯道不幸在顏子
皓天其衰矣湘水咽未已

其二

悠悠湘水曲丘木翳紺嶽嚶嚶古之人奇志守窮寂

盡懼菽水間淨心淤泥側人亡霽月留堂靜露蓮落
魂筵返青嵐未改舊城郭伶俜夜哭人顧影將焉託
天寒橘井陰白鶴在寥廓

其三

曇華並蒂生人覩瑞世香崇蘭連畹滋天墮隔夜霜
事往嗟我季蓬蒿沒詞塲人琴我悽慘樑月爾徊徨
吞吐十年哀向隅眉不揚忘形或笑語我季宛在傍
風雅今則亡古道孰相將

其四

欲知爾造道中間懶作詩謬然待扣鐘漫興或有時

三澗集
掀簸白雲嶺俯仰梅月祠魚郎拾遺草折壁乃得之
龍潭碎珠寒鳳霄零羽垂偉哉若人志其將考於斯
蕭條不忍汰撫摩涕漣而魂今願勿愧庶有知者知

其五

羅浮有春秋百源有圖書林下十年計惟爾可從余
余以蓼莪身殘喘若冰魚窮途又哭汝風味其何如
論才宇宙空撫已吁嗟殂歸來槩溪靜頗怪音微疎
推枕忽復驚頭邊有訣書牙琴碎巖壑永夜松風虛

次敬明有懷韻

亭臯獨樹暮天心嗟爾徘徊念我深休向蒹葭勞遠

目應從鴻鴈覓同音江湖分合三更夢岵岵淒涼一
半吟木谷緘書心緒亂槩溪深入倍窮陰

其二

十里已如千里睽心懸親側劇悽悽寒闈唱喏君身
病晚渡呼張我馬嘶木谷數行辭墓淚盤溪十景背
江題小山叢桂非吾事已判殘生守虎溪

寄盤溪

巖穴來孤卧悁悁只抱愁思親萬木裏憶弟兩溪頭
倍覺晨眠少難爲暮景道頻頻鴻鴈夢枕席密棊洲

其二

三淵集
山阿稍陰沍江上更何如凡事綢繆未諸房冷落初
冰湖風到幔露渡雪侵除試向魚梁覓寒灘或有魚
侵一作翻

其二

山中送歸使意與遠江深載炭玄黃馬傳筒雅俗吟
浮沉恐中路披瀉待回音不盡蘆洲鴈如何曠至今

其四

多少盤溪事殷殷百慮纏雪風無四障薪炭抵千錢
漸革頑奴面徐還暴客羶休令板輿數日哭渭陽邊
漫吟

昨日非今日千山更萬山徘徊或藜杖畢竟復荆關
皓雪漁樵路蒼煙薜荔灣窮陰兼薄暮幽悶作何顏
玄欽甫 若昊 歷險遠訪至意不可以言謝輒以
一詩剖懷

拭淚方同席明燈宛舊顏故人千里駕今日萬峰間
煙雨非京洛松篁問月山從來離合際都作夢中看
際一作意

其二

往事無涯淚南中可忍言比隣猶萬里識路有殘魂
暮雨君何至窮山我獨存論心燈欲晦冰瀨半溪喧

晨步川上戲賦所見疊看字

巖扉風味少留客作何顏引袂霜溪側移筇雲壁間
炭煙延別澗汲路到高山滿目非人事君應麋鹿看

到一作挂
事一作境

同步溪邊見山僧來過

松門散步愛雲嵐何處僧來度石潭更就君邊看月
出水南梧竹到深菴

夜深後步月籬外

寫盡江南札携君步壑幽但聞空峽響不見有溪流
過霰松林淨侵晨月露浮星河易荏苒來夜與誰遊

其二

遮莫猛虎嘯堪憐清夜幽山空人偶立天闊月同流
不有睽逢數焉知世界浮江南梅橘地已矣少年遊

寄明行

與爾賦詩處亭臯多北風玄陰老樹獨素地萬帆空
悄悄門空掩悠悠信不通洲鴻看亦少似已漸湖中

其二

別後爲何業無由一一聞黃鐘氣朔妙青史是非分
溫故須寧靜觀心以曉曛君詩欠清婉恨未細論文

復疊中字

三淵集
俛仰堅冰至今非黃葉風光陰爲可惜離合本來空
卷裏師應足思頭鬼自通長吟嘉橘頌致意竹林中

趙正郎

景望

內室挽

清幽聽澗堂閒靚牡丹庭閨儀靜相得琴瑟和且平
梧桐含晚陰忽爲死生枝由來長簾恨早晚無可時
年深見恩長老懷應難持誰知莊叟歌情甚扣胸悲

其二

滄桑有殘魂憶昔梅花開閒香引疎酌內集何幽哉
溫儀眉對案芳羞客添杯存亡萬感紆天地一陽回
風燈耿虛幌雪爐黯寒灰周章檠溪人身豈弔鶴來

揮淚寫薤詞復疑詠新梅

出城

蕭條欵段背京師舉策寒空一望之雪滿青坡經曉
久風吹華頂散雲遲長安古語疑西笑梁子悲歌味
五噫造次窮途還目下栢舟傾側半江嘶

到盤溪

寂歷江山勢今來雨雪霏蘆洲鴈何去冰渡舸猶依
俯仰存千感陰陽自一機摧頽燈下業祗欲奉孤闈
次李君必升韻

江干冰雪正交加萬化歸貞久歛華短晷養簷添幾

分長風怒竅待誰譁細觀物有難平勢默察心非未
發差鏡裏形容何足道皓天衰態不勝嗟

詠鄭龍川時疑

東湖壯士錦鞍鞵老驥柴門古木前臘日悲歌兼虎
說暮年知己獨龍泉江邊雪似陰山積沙上天疑大
漠連末路相輕多醉尉莫將高姓向人傳

盤溪詠雪

冰雪盈川接海天微茫一半是空煙漁人正掩龍山
戶行子相忘雀渡船江漢風流歸太素蓬萊消息挹
羣僊徘徊老樹瓊枝側洲鶴無聲朗月懸

其二

目短深山蘿薜叢江湖觀雪意何雄樓臺生態千家
變洲岸無縫大地同埋沒寒梅香欲寂徘徊曉月色
還空風流獨有蒼松子歆蓋高簷舞不窮

感懷示敬明

夜氣存何處晨光感此生牛羊千木剝舜跡一雞鳴
最急惟誠敬交修卽弟兄披衣步江月松雪亦同明

其二

大學誰無講悠悠說食人正心終在口誠意不干身
世弊仍吾病年侵急日新須恢丈夫志凡百戒因循

其三

心爲萬事本本立道方生鏡待磨來瑩鐘非扣後鳴
致中終位育推愛自親兄畢竟天人合皆由反照明

其四

仁天不愛道倘亦惠窮人縱有相論學終當各反身
淵源千聖在日月五經新刊落繁枝葉歸來一本循

其五

道廢由來久狂流汨醉生難逢麟一角那有鳳齊鳴
孟氏惟慈母河南亦弟兄男兒能自立孝友到高明

其六

曾謂箕封地而多僞學人虛培稂莠種乾死蠹魚身
捻被浮心誤誰存浩氣新鳶魚契日用天訓本循循

其七

人道心爲兩隨時互發生休將形氣感誤作天機鳴
理慾看賓主知行等弟兄孤燈堪取譬一剔一回明

其八

天以仁生物爲仁却在人油然看此意寧不愛其身
我相空來樂乾元繼者新西銘嗟晚喜霜髮不堪循

其九

論語燈前讀宵長意味生微哉紫陽訓大矣孔徒鳴

三淵集
洙泗來函丈顏曾儼弟兄要令書我合可但說分明

其十

爲仁須猛士知道豈文人以有多生習居然百化身
秋風感亦屢子月悔方新默坐存玄覽貞元本自循

槃溪賦雪用盤溪韻

丈室存吾虛白天槃溪清夜竹爐煙已將煩惱投銀
海宛在空明泛鐵船興活詩非資粉澤境澄言有涉
神僊雪中離合風花月風颺花時月亦懸

其二

決去煩襟藤葛叢將因大雪鼓豪雄潛峰赤脚狂難

學衡岳三杯興欲同浩氣貫冬無斷缺道心和境暫
澄空登高撫掌明光裏魑魅投幽伎倆窮

其三

舒條奇觀莫雪如玄雲同後散霰初埋連木石飢山
鬼漲合玄黃沒日車白屋無煙圍正密朱門炙手到
應虛元規塵遠方超脫却笑袁生卧洛疎

其四

莊生此日意何如衆萬歸齊是一初混沌未嘗開竅
穴軒轅安所著舟車平來凹凸高低失泯却妍媸愛
惡虛忽有孤光生轉相飢烏落處凍林疎

其五

作詩奚必漢唐如陶寫天真
是返初依樣葫蘆非活
畫閉門輪輻會同車乾坤
一雪堪醒世哀樂惟詩貴
出虛此意蘇黃猶未透寒
山禪子不吾疎

其六

高齋淡泊坐微曛表裏山川
淨世紛夜氣倍增前夜
澹天光不落後天分爐寒
欲進燒丹火筆退思休戰
白軍捻爲身邊渾是雪尋
常咳唾亦超羣

其七

新得天光徹曉曛下簾心影
白紛紛歸來昭曠乘機

急牽率詞章用志分斷習豈
無新淬劔戰胸猶有未
收軍靈臺雪月周旋久一
轉詩流即道羣

路中遇雪又疊前韻

可是容姿玉羽如千秋模寫
孰爲初幽蘭同調登歌
扇春柳相形映戍車冉冉
征途經歷亂悠悠古意寄
清虛行吟稍覺城塵逼莫
以回風洒作疎

其二

山外微陽閃隙曛空花弄得
態紛紛飄旋似與天俱
往合杳俄無路可分自是
雲君能出化非關風伯善
麾軍平郊貪閱千姿巧已
絕翎毛伴作羣

楓溪詠梅

客到西山山欲昏張燈忽復造梅軒已憐點白生新
葉更認全春在老根遠韻松風同一壑高情竹葉對
雙盆塵中大隱人如玉不到孤山坐避喧

又賦

湖外來應遠溪中養却奇添枝影得燭倒水勢臨池
萬慮收清對羣氛遠素姿君能祇閉戶一格長新詩
又疊喧字

朝來素彩倍黃昏夜雪飄深亦滿軒冷挾三池呈氣
運清超一世淨塵根悠悠臘盡非衰葉袞袞春來不

圓盆好與主人成淡友靜中惟許綠琴喧

冰湖與最良兄

盛景

李子東

海朝

同賦

北陸冰初納南樓雪欲來門多向江閉酒有待時開
短景難延興長歌易惹哀風流子東氏世誼講深杯

次鞍字

青絲挈酒帶銀鞍遮莫長湖沆瀣寒天馬懶騎還雪
馬冰官無事却僊官梅花北岸詩先就竹葉南軒坐
更團慚愧主人風韻少竟無家醞繼清歡

次仲氏會石室韻

促膝今何夕臨觴更若驚山川淚痕積冰雪酒功輕

往事渾蕭瑟餘年幾合并休令歸騎遽搖我隔江情

又疊鞍字却寄冰閣

別境江頭悵暮鞍夜來春意又排寒炎涼有待冰歸
室顯晦隨緣子就官蕭瑟竹樓餘塵尾孤清檠水一
蒲團空來萬事詩難廢此是前人所合歡

其二

夜夜東城帶月鞍先人多醉竹亭寒陽春曲妙愁凡
調白雪樓高屏達官迹在清時雲羽遠唾畱陳卷寶
珠團論交四世猶雙鳥歲暮尤宜講舊歡

其三

何處鳴珂白玉鞍鳳城銀燭曙光寒揄揚雲陛承恩
客傲兀冰倉把酒官眼闊江湖隨硯小心虛塵世入
壺團藍田公事知多少吟倚風槐獨也歡

復疊前韻求教冰閣

僊鹿何嘗肯受鞍嘉陵江月照心寒人間路有千層
險醉裏君當幾日官芝洞靈華閑自秀竹亭清露靜
仍團招呼樂甫隨同甫料理新歡繼舊歡

其二

青牛杳杳出關鞍僊李風高紫氣寒玩世君將隱金
馬投身吾欲遜王官神超顯晦應同照迹到江湖偶

三淵集
一團更待莊生瓠可泛溯窮鵝浦任情歡

其三

尻輪神馬八風鞍倏忽崆峒倚劔寒喝退嫦娥修月
殿呼來少昊復雲官東溟水靜扶桑秀北極天成倚
蓋團然後與君歌大賦太和湯裏浩然歡

其四

半生徒步謝高鞍行踏龍門澗道寒喜菊嘗能友陶
令問松何事受秦官時來巖子灘中哭終與要離葬
處團碎却瑤琴增掩抑隔山歌笑外人歡

其五

時將漢史挂牛鞍扣角歌悲裂石寒尚愧清寒終養
髮每憐真樂早逃官簪篸壁暗芝頻秀虎豹林寒桂
一團幸有河汾兄弟在買酒西下暫開歡

昨日乃立春也延望江干懷不自聊偶成兩律
並以錄呈蓋欲惹端以來瓊琚也

其二

玄臘包青節年華忽復新望中江動夕身外地浮春
液到臨池柳芽長度雪蘋爲心不相似愁坐理歌巾
何處春來覺南湖瀨坼冰遊氛沙面漾淡靄海門蒸
野養千萌意船舍萬里能迎新紛物態舊恨只因仍

復疊前韻

不意朝來飯登盤細菜新坐知江水動愁見漢山春
鴈響合遙塞漁歌動早蘋年光多引感今古一沾巾

其二

虛佇冰湖約君來可迨水樓因別後冷爐有酒痕蒸
春氣方無礙詩情可與能何須出新令前韻合相仍

追挽拙修齋趙公

間世圓機士平生獨見人眼中無理遁心上得師新
豈但論時快終應用處神雲雷空壯志龍蠖只存身

其二

頽然安樂法病久洛陽居少日猶高枕春天懶小車
空樓橫運世暗牖挂鳶魚雪月風花韻遺篇見卷舒

其二

石透為功猛錢流運思專論深朱陸際目迥漢唐前
帝霸看非混知行說欲圓休憂千載後人有比龍川

其四

撻市中心耻填溝每食憂經邦自素計無祿是青丘
未發明王夢難叅肉食謀嘗論蘇綽遇有取宇文周

其五

直置通天學看他愛士風搜才窮死馬取節在雕蟲

三淵集
權力衡門窄招延輦轂空平生吐握願衰夢幾周公

其六

憂時賈太傅識務陸宣公國策隨才見文心與理通
波瀾尺牘盛堂奧小詩雄不是流胸出焉能信手工

其七

常怪伊川子先天不學隣堪羞如我輩當面失高人
紫氣瞻如昨玄經授未親蕭條道所在書帶洛園春

其八

間氣公爲是通儒世亦稀丁寧勉我語洒落見天機
密意和盤託忠言到耳違惟應篋裏札三復永沾衣

其九

舍瑟沂雩興觀魚濠濮游高情融物我餘子陋由求
敢曰我洋契猶期針芥投文殊曾問疾屢點淨名頭

其十

事往猶長憶終南舊戶庭菊花霜落硯梅蘂月橫甌
講席容吾訥吟樽喚客醒蟬連揮麈久歸馬每逢星

其十一

南郭寥天化吾方叫白雲魂從桑海召覺已死生分
舊謔車三步陳根草一墳刪詩悲自語疑復細論文

其十二

返真夫子樂銜索此生哀撫世迷存沒藏心有往來
江山盈理妙城郭罷樽壘泣向冰湖立終南倚雪開

哀馬為虎所噬

禍甚於焚廐天年死孰悲冤深只疊嶂血在尚疎籬
老特依風獨寒鵝警夜遲何由斬白額快意寢其皮

其二

險困人相得馴良物罕齊飢無詭銜轡疲不卧塗泥
草草花江飽遙遙雪嶺蹄酬勞竟落莫神慘舊行蹊

三淵集卷之五

三淵集卷之六目錄

詩

趙正郎 景望 挽 二首

金叅奉 聲大 挽 二首

金蔚山 灑 挽

送李仲剛 健命 出佐北幕 二首

洪正 九叙 挽

追述靜觀齋先生 李公端相 ○ 二十七首

還山

行入逍遙谷

三淵集
自砥平向原州

渡安昌江有感

雨中望雉嶽

驛村夜坐

與李仲培菴並轡向新興寺

日出菴訪面壁僧

出山

、上院寺

又賦

與仲培分袂悵懷

踰嶺下靈源洞口

還過龍門山

暮投楊根邑底

曉發感興

馬嶺

槩溪曉吟二首

拾橡

木食洞詠菊

冒雨過廣陵

纛島訪鄭龍川

奉贈雪沙李公世白赴燕六首

、東州道中

次韻贈海師二首

明村八景八首

。謹次吳忠烈公達濟寄家諸詩韻二首
寄伯氏

大有病榻詠瓶花

。林滄溪泳挽四首
卷一三

。韓汝重挽二首
卷二

追次李子東樂甫賀朝入紫煙韻

又次風字

松巖歷宿被王翁勤勸謹以一律償債

李子正成朝挽七首

石室講堂敬次曾王考集中韻

偶吟示諸生四首

、石室書院

次仲氏韻贈別俞君四二首

過大谷問姪病

松栢堂詠梅二首

。又賦十四首
第一二三四五六七八九十

。仲氏自漢湖索覽梅詩步次兩律以寄惠輒又

三淵集
次呈二首

又賦

詠梅續題三首

第三

歎一花有缺瓣

解晚開嘲

石室除夕次仲裕族弟盛後韻

與仲氏同賞梅愛其一花孤明二首

第一

淑徽公主挽二首

四友堂畱宿示主人仲裕

次主人梅花詩韻

四友堂夜會口占贈主人

又賦

贈宗姪士修時敏

送仲習從弟昌說出宰常山八首

渡鵝湖

忘憂嶺詠餓殍三首

伏次伯父下寄韻三首

伏次季舅江亭感興韻

合江亭三首

送尹仲綱世紀之任成川

三淵集
喜見東海

伏次伯父下示韻

奉別晉州李使君 益泰

喜同大有訪曹溪亦有隣友相從長幼凡九人
巖也以五歲兒隨焉

示大有 二首

步虛閣感曩迹

歎寺殘

暮出洞口逢雪

苦檠堂詠梅上伯父 二首

宗嫂柳孺人挽 四首 第一三四

送養謙往畱麟衙仍使視谷口板屋 二首

乘潮向甘露寺

登甘露寺樓

中流望淨土東臺

淨土寺周覽

于多洞

高注坂望首陽山城

隱寂菴滯雨

石潭九曲

三洲集
過故宅

架空菴撫迹興感

留宿精舍將發有感二首

五祀

神光寺隨喜

冒雨逍遙峰

文憲書院

許亭

三三日在松栢堂憶伯父入曲淵而恨不得從
焉感興成詠謹此追呈

尹僉正坪挽

續題六首

三洲

奉贐李仲剛赴燕三首

嵐臺侍坐伯父值大雪新霽話及錦湖峒隱二

事退遂演繹其旨各賦七言律以呈二首

磔溪雜詠四首
三首 三首

又賦

曉吟

三洲雪後

又賦二首

仲氏投示梅詩其中有以疎影橫斜水清淺分

韻為五言古詩不待索和而欣然效顰七首

過廣津黃氏亭感懷二首

三淵集卷之六

詩

趙正郎

景望 挽 乙亥

承家文墨雅胸襟內外楓溪與竹陰詩逼倚樓佳胤
振堂高聽澗好人尋榻來紅洞孤雲筆和過披香白
露吟宦迹微茫朱鳥下斗魁聲望竟消沉

其二

大巖雲物澗之濱疇昔陪遊事事陳垂柳送將旌翼
遠落梅飛赴几筵頻重泉家合捐孤子名洞春還失
主人軒側盤松嗟爾壽薤歌聲裏撫龍鱗

三淵集
金叅奉聲大挽
寬樂鄉居以德聞
半生燕谷鹿爲羣
齋郎官小榮黃
髮進士名成卧
白雲門外良田
諸福等庭前
好子五花文
銘旌數字隣
人託不比劉
蕢恨結墳

其二

窮途無地寄吾顏
雲峽牽蘿百口艱
長者恩深堪隱
壁先人詩在舊
分山三年魚菽
資相續十畝鋤
耰借不慳
白水悠悠有如
彼兩家長願一
家看

金蔚山

灝代伯氏挽

一鶚難容百鳥前
春明咫尺海連
天空畱折檻橫
雲

際信有如絃死道
邊河曲瘴煙蒸
旅櫬漢城牛斗
照新阡魂招不
復脩門入鵬賦
吟來未爽然

送李仲剛

健命

出佐北幕

人間榮辱是非繁
北海前頭未敢言
男子平生自弧
矢山河表裏一
乾坤行期旅鴈
辭江漢宦迹浮
雲出塞門直到
鯢鵬初變處回
看南極露天根

其二

臨水登山涕淚頻
秋懷滿腹不知
春思將幽澗松
枝贈懶說離亭
柳色新青海城
頭休倚劔東都
門外合埋輪消
魂可但緣離別
須識文通是恨
人

支離觀世白頭存
哭了君家父子孫
泉下若逢吾宅
相道吾今伴斷腸猿

洪正

九敘挽代伯父

追述靜觀齋先生

李公端相○并序

靜觀先生沒而幾三十年而凡在弟子之列者志之不倦余小子以朽糞之質亦嘗被其誘掖而蒙駉時事知操篲耳其何聞之可述哉惟是東岡之陂先生之幅巾藜杖尚有森然於我目者矣蓋小子及門而先生之拂衣屬耳衡門之下煙火蕭然自外人窺之只見

其難堪而卽先生偃仰談笑分明自樂者也至其俯讀仰思口講指畫終日疊疊使傍人亦忘飢渴以是餘韻所及田夫溪童往往輟耕釣而參焉周旋出門頗能道其緒言則人道之危微氣朔之盈虛洋洋乎入吾耳者如昨小子於先生之門所可言者如此及年稍長閱世多而涇渭孰矣歷選當世之瓌望卓節或以廉退樹聲或以丘園養高或以臯比抗尊標致則有焉求其氣味真懇風流弘長未有如先生者也小子旣獲戾于天抱痛慕

三淵集
我雖醜然人面哉而窮且無歸矣環顧一世
長者父執無復存者况如先生之於先人初
豈多人哉向之疾痛慘怛未盡訴於天者今
之抑塞憤懣尤不忍於斯世者惟先生可以
聞此而今也則沒嗚呼悠哉誦張子玉成之
訓感子思素履之旨而嘗竊泫然撫躬曰苟
有以靖獻先人是則所謂無忝淵源庶幾夙
夜以了殘願而惟此日暮之塗歧中有歧焉
於是乎徬徨慨慕自不能已乃或發諸行吟
賢胤喜朝同甫知余感端有始間以命之曰

子於先稿終始合有一言之役而又矣無之
矣今亦非晚矣余則慨然應諾遂以比興行
叙述如左而情繁辭溢未覺紙墨遂多誠知
沓拖冗長無所發揮要曰攄感而已可矣所
欲傳寫其氣像之萬一者則真所謂遺恨終
篇爾

富貴真吾有文章亦世傳胚胎多習氣蛻脫却神僊
歛迹羣爭地停身不惑年潛龍未可拔進步日乾乾

其二

奚其爲解易進退道偕驅身已伊川傳心猶邵子圖

三淵集
終將與流轉不欲離須臾補湊揚雄輩滔滔是腐儒

其三

海鶴輕癯骨冰壺炯朗神惺惺那費敬洒洒自超塵
夜氣棲心久陳編觸眼新清明已在我玉振待誠身

其四

九萬搏鵬路長圖宦海空圓方黃鵠舉一覽性天通
道義存深欲聰明用鈍功那聞錢若水霽月與光風

其五

不樂非君子能行在灼知人多向外務誰免半途疲
間氣應清氣真師自得師膏梁曾所飫新嗜似過之

其六

歸來一大事功競大丹還博約抽添裏身心快悶間
公方倍道進天竟數年慳去後山林日諸儒枉擲閒

其七

今古歛休義傍人知不知歸時觀所感歇處問何爲
爵祿辭惟迹中庸講是誰丘園真屬混重爲我師噫

其八

宦迹雲鴻過人看履歷多臺風揚謬筵講待溫和
汲黯河南粟言游武邑歌羣龍台輔讓高卧奈公何

其九

朱鞍方來絕花輓所履平委蛇東郭晚吟望北風輕
介石仍清疾浮雲自世榮親朋書幾篋多勸早還京

其十

萬曆沙翁帝三韓 孝廟宗賢孫贊鐵杖盛際鬱雲
龍羽翼華陽叟盤桓石室松海槎詩激越千古有沾
胸

其十一

鹵莽青丘俗西河講義微菁莪非國學榆粥卽山扉
鏡炯寧疲照鐘清善應機猶然王天下此樂最忘饑
其十二

大學留公案分明十字衢物知同所到名理亦相須
桁架爭奇喻葫蘆笑拙摸精通類如此萬化一機樞

其十三

太乙青藜閣包山玉字書洪涵胸是海該載腹爲車
博後言歸約乘來數待除韓公文眼窄斥佛也還疎
其十四

少小煙虹藻歸休菽粟文雪樓空裏翳瀛閣夢中雲
直爲心齋急寧容外誘紛高林清露滴閑坐一蟬聞
其十五

了了胸中事天人與古今書來筆有舌談處面猶心

果决蒙泉勢清開葦屋陰如何更出世一爲掃詖淫

其十六

體物慈良用知幾炯介存簞瓢雖獨樂喬木未忘言
賈誼清時哭林宗善類敦今朝殄瘁痛泉下定傷魂

其十七

適去惟夫子儵然隱几吟病時無耽簞歛日有斜衾
炯炯憂時疏琅琅訓子音山頽繞門淚今作血盈襟

其十八

太極亭含象靈芝洞有名志隨三秀見迹抱一圓呈
絕筆池虛靜傳神月晶明壯思寧草草無限啓來情

其十九

幽誌先人筆形容不放題何曾一髮爽以有百年携
管鮑知如此陳徐迹未齊分山歲暮約恨滿武陵溪

其二十

先生善開物小子駭何知矧可追言德真如曠後時
天寒三尺雪日暮萬條歧更擬成親炙其惟夢裏期

還山

還山落日時馬首夕風吹積葉非前路遙峰宛舊姿
溪流明暗見霜候淺深知忽已茅茨出蕭然黃檗籬

行入逍遙谷

三洲集
可愛逍遙谷重來無限心雲依蒼巘在水出老藤深
旭日楓千壑高風榭一林騎牛賴爾緩數句向山尋

自砥平向原州

秋聲感我不平顏驅馬悠悠東出關落落世間誰傑
士蒼蒼路上少名山蕭蘭莫辨風霜雜梁稻無成鴈
驚艱天運蕭條乃如此阮車窮處哭而還

渡安昌江有感

孤子征衣霜露秋馬前黃葉下原州安昌江水澄如
練忍涉先人所釣遊

雨中望雒嶽

漠漠煙郊信馬行丹丘驛路一簑輕遙瞻雒嶽中峰
黑雨氣多從是處生

驛村夜坐

驛舍張燈黃葉中九歌吟罷坐秋風傍邊童子論山
逕一澗沿雲上院通

與李仲培菴並轡向新興寺

郡齋西出意飄然雙馬連嘶度淺川未到招提詩在
路數叢紅菊野橋邊

日出菴訪面壁僧不下山三十年
厥購八十三

三十年深不下山厖眉如雪白雲間客來無復相言

語黃葉平塔但閉關

出山

楓落山門赤滿蹊沿溪數步失招提諸僧一宿情深
淺爭過危橋送馬蹄

上院寺

唐咸通中所創

桂樹秋風老蓮花淨界崇臺危高麗小塔遠大唐空
名下諧心賞疲餘得眼通羞將雙別袂搖颺白雲中

又賦

雲山不盡嶺南遙石塔雙撐世外標坐覺長風千仞
積壑中杉檜韻蕭蕭

與仲培分袂悵懷

諸天晚景鷓鴣將棲風袂飄然東復西歎息僂凡與離
合各持餘意下雲梯

踰嶺下靈源洞口

步下靈源倍覺疲沿流跂石幾回思歸鞍獨帶蒼山
影隔嶺知君上馬時

還過龍門山

柴門流水有淵源穿得雲嵐返遠村山頂高僧低看
客不知鞍上了龍門

暮投楊根邑底

三淵集
無事長于役嗟吾道若何詩應馬上得山或面前過
鳥雀趨林翼漁樵返邑歌遙江生暮色澹澹月溪波

曉發感興

水遠山長借馬騎半千程路返如期龍門曉色開寒
霧已見中峰紅葉衰

馬嶺

馬嶺已盡未風高溪見源方欣艱步歇不謂壯觀存
鞍馬憑秋色衣冠上早暎濱陽真小境煙火只山根

槩溪曉吟

却掩松門迴溪灘響滿林四更風雨耳獨卧雪霜心

夜鹿依羣靜秋熊得穴深黃精我無分家計漢之潯

其二

飢饉今年甚萍蓬幾處翻生涯也如此世運更堪論
大地難容膝何山久閉門心煩增輾轉嶺月照荒園

拾橡

穀貴寧無策民窮返有巢雲林筐筥走田畝銓鎌拋
赤足鳴風葉寒衣礙露梢歸來歌嘯盛失食遠熊咆

木食洞詠菊

歸來木谷夜菊有滿堂香疎態憑燈火真風近酒觴
忘憂應此物蘇世孰同芳定欲知高節繁英待厚霜

冒雨過廣陵

秋雨蕭蕭春草亭廣陵煙水小漁舫羣鴻銜我清愁
去飛到玄城散落汀

蠡島訪鄭龍川

時清關塞靜風雲蠡島沙鷗也有羣暮雨漁舟三四
泛一蓑誰是故將軍

奉贈雪沙李公世白赴燕

百感東湖卧小樓晚沙煙景帶虛舟羣鴻屢叫蘆洲
月中入燕山萬里愁

其二

苦峽荒江見在身偶來京闕送征輪窮途轉憶神州
大願作吾兄後騎塵

其三

昭嶢華表神僊曲繚繞長城太史書吟到白頭勞遠
目雲橫四海冀州餘

其四

白堡黃旗新路長冒寒裘馬黑山傍若求吾祖看羊
迹積雪今猶滿瀋陽

其五

禮義東方乃若斯冠裳逆順復誰知渡江試踏遼東

野大地還應未盡隳

其六

踽踽朝簪愁待漏
疎疎冷席懶籌邊
不如走馬四千里
觀采文淵鳳閣前

東州道中

鯀域無空闊
東州野色多方冬
倍寥落積雪但嵯峩
遠樹看人久
寒鴉傍馬過
回瞻忠烈廟
慷慨欲悲歌

次韻贈海師

山河雖妄菴猶在人
世如浮客再來拍手夜來奇特
相滿林蒼菴白花開

時大雪

其二

鳶魚空色豈通融
且置儒禪有異同
但使遠公容把酒
願隨甌錫住雲峰

明村八景

晚境從容几杖間
高軒一面卽蒼山
朝朝目導層雲出
時向他郊作雨還

右冠嶽朝雲

閒牕野史暫停披
翹首雨譙有感思
天外夕霞紅彩放
滿城如匝錦旌旗

右南漢夕照

芙蓉紅白滿池生
夏院風微露葉傾
不必朱欄偏壓
水濂翁自愛遠香清

右蓮池夏香

霜重先人手種園
晨興紫栗滿祠門
筐來不乏秋嘗
用始許隣童爛漫喧

右栗園秋實

漠漠青畦過一鋤
飛來白鷺意何如
窺魚恐被人嗤
點忽復翻身上碧虛

右水田飛鷺

野水平郊壠草肥
輟耕人去一蓑衣
霜村月里微茫

路雨送烏牛帶犢歸

右野橋牧牛

傍山煙起逗茅茨
坐識前村麥杵遲
何處停鋤頻起
立饁筐蹉過水雞時

右孤村炊煙

隱隱聲來煙外飄
風軒坐向暮山遙
人間惡籟知何
限黃葉空林有護韶

右遠林樵唱

謹次吳忠烈公

達濟

寄家諸詩韻

丙子

三韓一域大如萍
禮義中華與並行
不有帝功淪卉

服胡令王膝跪龍庭要看烈士求仁意先究奸臣賣
國情青史黃泉相偶處辱生榮死定誰寧

右次寄老親韻

頂立偏邦男子身 神宗皇帝有忠臣同心吾祖三
仁迹異代文山合傳人魂度龍灣何處骨血沾燕草
幾回春觀公始末頭毛豎淚失終篇訣老親

右次寄伯氏韻

丙子今回甲流年迅若暮猶留萬折恨寧復一清期
世道麟經廢天心虜運遲君看忠烈帖可以勵男兒
右次寄內室韻

大有病榻詠瓶花

花插空瓶色不揚添來活水露凝香根斷猶資涵溉
力勸君連進地黃湯

林滄溪 泳挽

人能弘道道難尋今世惟君大著心漢代青雲玄草
起唐家四傑一楊沉洪襟淵納羣情盡平語根盤太
極深進步他時須壁立天畱餘憾在儒林

其二

長安陌上竟招魂滿月臺前病有源身遇清時猶闔
眼憂存聖學却忘言金篦未刮羣盲膜桃李應嫌萬

口喧已識延平深氣味臘梅藏艷錦江村

其三

晝漏添籌御柳黃金華春日講筵長丹旌背指觚稜
闕素駟嘶歸水竹鄉風逆天池鵬亦天波高砥柱鳳
先藏朝班倍惜南金盡青紫繽紛滿漢陽

其四

生雖曠世願承風何幸同時落我東一夜劇談知勝
讀十年重會計淪空嚶嚶幽鳥春何及炯炯靈犀海
未通玉洞松雲酬唱是不堪題挽水聲中

韓汝重挽

仁里諸賢讓老成歸鄉猶保善人名田間未了鋤經
業城裏常稀賣藥行壽補蹉跎真謾說病緣樂棘遂
無生觀鮫金紫輸澆跡老眼蒼天久不明

其二

依然流水與柴門人去餘情谷口存春柳貫魚迎客
渚夏葵滋露養親園他時君有清樽勸今日吾慚白
馬奔積雨高陽何以葬薤詞題寄小鷓原

追次李子東樂甫

賀朝

入紫煙韻

寥落江居萬念休懷人流目白蘋秋人間才子求詩
去海上僊山倒影留蜃氣徘徊晨霧內龍流近遠暮

三淵集
潮頭船迴莫以風波解閉戶吾猶建德遊

又次風字

滄洲橫白露若木振西風采藥山非遠探珠海可通
鵬雲秋嶠碧龍氣晚潮紅百谷觀輸會詩源用不窮
松巖歷宿被王翁勤勸謹以一律償債

晚我來幽谷衰荷白露時樓明卧後月泉入夜深池
水氣琴書淨秋聲竹栢滋經過百端感不忍和前詩

李子正成朝挽

奕世延城種玉田瓊枝輝映海東天在君更著淵深
度尺五青雲步武前

其二

吁嗟人物眇然時魁碩如君若有爲滿腹才猷無一
試死來人道失良醫

其三

華陽亭下閱清駒調得千蹄洗御溝天廐飛龍身自
跨壯心終是困鹽車

其四

世道如何可醉鄉軒歧多事戒深觴千人活後身還
病笑擲囊中漆葉方

其五

三淵集
冰魚泣血滄溟咽
轄鳳嬰羅塞
徼寒六載重逢城郭
在殘骸俱作異人看

其六

琴亡憐爾季方孤
腸斷荆花半樹枯
感念先人疇昔
義每逢芝洞
泣青湖

其七

哭君歸後卧郊原
薤露腔成淚更翻
忍說重陽爲遠
日黃花丹旒映秋軒

石室講堂敬次曾王考集中韻

寒江帶高閣
暮雪何可無
炯炯牕間字
温温炭上壺

偶吟示諸生

夜雪茫茫天地陰
江風滾入講庭深
收來積素歸清
椀洞見當年大窖心

時偶餐雪故云

其二

病與年侵懶已成
迢迢沫泗怯遐程
黉堂曉月生孤
感雪裏房房有讀聲

其三

高齋細講極陽陰
牕外漫天曉雪深
看取半江清月
在莫教昧却本來心

其四

三淵集
曙色江光一滾成石山歸意政迷程閒牕且復澄心
坐細聽齋童掃雪聲

石室書院

雲雪渾江漲孤清石室峰庭留碑突兀席有講從容
夜氣存山木風襟會澗松言歸五柳宅更欲護先蹤
次仲氏韻贈別俞君四
大雪重來動別觴王難一路繞微茫東齋書伴增惆
悵獨愛虛牕夜氣長

其二

城市非難辨一觴九街多路易蒼茫江山有月天增

雪洙泗風流是處長

過大谷問姪病

暝色携吾影輕冰步入林池平李老沒園冷海松森
白雪留孤犬紅爐護一衾仲容元放曠寧以病關心

松栢堂詠梅

城市稀知己隨吾到遠林清高羞對影寥落以娛心
數萼知多少澆根量淺深開時便憂落於此可長吟

其二

幽經曉誦歇簷月暫徘徊牕內誰如在床前眼乍開
無心使人悅不語喚春來冷寂存風度吾其雪裏杯

又賦

寂寂寥寥松栢堂寒梅親近讀書床月明石室誰能
訪雪滿楊州獨自香落落疎橫超俗遠悠悠半綻占
春長芬華一念年來薄桃李開時我不忙

其二

玄化氤氳不輟溫菊籬凋後又梅盆雪冰滿目嚴威
缺天地無心苦癖存貞上一元流素蕊虛中妙色發
玄根深房坐討真消息床榻蕭然卽小園

其三

龕中清養好因緣背臘開遲轉可憐芳信表明宵燭

下晚顏浮白曙牕前方知晚世非無友不恨平生未
遇僊常怪西湖林處士賣妻收得百家錢

其四

還山下馬向簷巡梅已開乎不問人經戶寂寥微有
嗅對床親近細論春緇塵在袖猶頻拂朗月窺龕又
一新睡到五更魂炯炯冷襟清蘂未分身

其五

荒江迥野易摧殘五柳孤松得所安入室論交君子
淡傳神寫照古人難影中花逐青枝動身外魂和白
雪寒寂寞風流幽巷裏莫愁長笛到闌干

其六

乾坤鍾秀偶然遭豈待東皇剪刻勞濯自冰壺成綽
約伴來石室養清高生芻一束人如玉縞袂三更鶴
立臯掃去千秋香粉語梅兄方許檠溪豪

其七

看梅牕裏懶窺園飲食芳菲寤寐存素蝶迎春僊吏
枕翠禽驚曉酒家門塵氛脫蛻身全冷色相歸空室
欲翻從此萬緣都遣遣一花忘後返真源

其八

顯晦關心莫與論冰清月苦默傷魂商周筐鼎芬芳

隔唐宋毫煤粉飾繁畢竟千秋知德少蕭條一室賞
心存牙琴欲取宣相悅已有松風滿夕園

其九

半綻輕英數瓣懸冷槎何自著嬋娟神情不盡枝梢
內影韻常流几案前遙夜懷羣應大庾清晨鍊氣自
先天周旋轉覺吾形穢頭白相看已閱年

其十

虛堂若鏡澹晨光靜覺梅牕氣味長素液升枝流至
萼清雲透閣結為香癡童慣報多回燭姹女纔窺欲
洗粧亦有胡奴能贊化養芽文火善調房

其十一

的的枝頭默默看已看全體露團團疑星疎點三光
白減雪奇英五出寒要欲春光存簡淡亦知人意厭
闌珊孤吟劣可通酬酢花若多時應副難

其十二

苦竹寒松亦抱真猶嫌蒼翠不成春玄陰拂雪開生
面濁界披塵出淨身數萼將舒傾萬品一枝雖折贈
何人幽居但自聊怡悅隴上高雲左右親

其十三

染筆東牕旭日初臨花方欲著形模輕綃剪素華而

潔密玉含溫冷不枯天上綠華猜淑骨僊中杜子愧
清膚神情別在忘言處月曉羅浮影有無

其十四

一枝花發犯春天千句詩成滿臘前不合天機先漏
洩便教花意未精專吟隨鄒律頻頻唱魂往羅浮故
故眠好把柑醪先酌我梅兄難拒罰觴傳

仲氏自漢湖索覽梅詩步次兩律以寄惠輒又
次呈

梅為棣萼與同堂久矣真兄未對床團會若為三箇
影唱酬聊共一盆香水難玉笛聲應協雪樹風波思

三淵集
更長移向漢湖遲健步詩鳴花笑且休忙

其二

千樹花繁五嶺溫何如冷淡寄孤盆輕輕片雪疎枝
著益益全春尺土存乍看英華流自內深知太極妙
爲根垂垂半綻微微醉此意深長邵子園

又賦

漢浦書來問答忙梅花昨已皎盈床休言一室香多
少千里聞名也自香

詠梅續題

樵歸鳥息閩村隣趺坐惟將一樹親可道維摩無侍

者自知君復有家人暗中暮色猶爲白默處聞香始
是真讀了殘經燈亦入夜深應復影相因

其二

花開可但愛嬋娟花下清真事事僂漑本瓶泉乘月
汲點房松火度牕煙緇塵歇滅王灘外瓊藻聯翩漢
浦邊此意外人那得會緘書悵望谷雲前

其三

寂寞幽人枕下開那堪持此獻春臺漢濱灞岸收幽
躅却月凌風愧上才花發有時能引客詩成於爾恐
招媒風簷往往翔殘雪看作牕間凍蝶來

三淵集
歎一花有缺辦

喜甚花開睡不成起來開閤却還驚半邊月貌輝光
缺一點天心悔吝生恐是助苗如古語非緣長笛動
新聲層層換面餘春在况有輪回未斷馨

解晚開嘲

條風褪雪報多時開闔幽龕幾度窺閱歲交深方發
笑畏寒身縮淺爲知高情自信塵無染衰世猶嫌迹
太奇却恐山牕飄盡後門前五柳未肩隨

石室除夕次仲裕

族弟盛後韻

雪屋寒生午夜天風燈倚壁影蕭然同人會面今年

少及欲論懷已別年

與仲氏同賞梅愛其一花孤明

丁丑

獨樹多情久伴居孤花堪愛不求餘河圖水點符天
一萸莢春光競月初細裊琴書香有在交輝棗萼影
相於向來篇什飛騰早畢竟芳言未落虛

其二

一閤真成衆妙關小盆親切驗春還根浮冷煖推移
上香出真精妙合間詩思詎宜容力就天機曾不向
人慳都將肺腑輸花內花外悠悠萬事閒

淑徽公主挽

代雩沙李公

寧陵慈覆與天隆盛第連雲沁水中德備竟無盈昔
福寬深只是閉眉宮蕭條半樹含霜久零落三珠掃
迹空 鸞輅一臨驚寂寞鳳簫聲逐此筵終

其二

唐棣觀光昔近經猗歟歸妹卽台庭冰壺徹底清三
世銀漢回天爛二星禁齋偏嘗慚莫胃芳徽稔挹仰
璿扃潘楊宿感行楸冷又送雲軒向杳冥

四友堂畱宿示主人仲裕

微霰畱庭客不歸九街鐘漏隔深扉寒生竹砌宜添
酒香動梅房好解衣月色全應供夜話詩情半是涉

天機還憐谷口滄浪子病鶴風頭未奮飛

次主人梅花詩韻

愧向高齋作上賓寒梅先已與君親苔身矯矯癯如
鶴玉手亭亭媽似人野雪易驚胡地笛溪橋猶有馬
蹄塵歸歟小閣藏清艷暗洩三清第一春

四友堂夜會口占贈主人

京闕緇塵奈我何三清谷口雪嵯峨怪君書室增清
淨云是林宗昨夜過

仲氏農巖公
前夕過宿

又賦

移我西山枕東橋鳥已棲梅兄鎖深屋詞伯隔寒溪

三淵集
墻雪含新月，燈待曙雞寥。寥清坐久，詩亦偶然題。

贈宗姪士修

時敏

三冬映雪苦，喉裏滿唐虞。休將梅作伴，無已太清癯。

送仲習

從弟昌說

出宰常山

君索吾詩替別顏，沉吟累日攪心肝。滄桑九載殘骸在，去住悲懼捻說難。

其二

俯仰人間世，闕川槐堂寂寞弼雲前。蕭蕭五馬嘶喬木，故老墻頭或涕漣。

其三

殘雪堦庭吐翠萱，扶將鶴髮就魚軒。千秋並美東征賦，篇內應添戒子言。

其四

懍懍憂深荼毒初，寧期花肉映銅魚。瑤環玉珥雙童出，五馬前頭占一車。

其五

湖魚澤雉率皆無，澹泊清渠繞孝厨。但使邑人歌麥穗，高堂喜色日敷腴。

其六

一簡真能理衆煩，束薪鈎距漫多門。侵庭十畝池如

三淵集
鏡養得鞭蒲獵獵翻

其七

春朝桑野頻頻駕夜燭官書乙乙詳
遮莫河陽花似雪定無閒手把深觴

其八

廉清家訓宜持守嚴穆衙規詎放寬
只可澹臺來讀法莫教門有董庭蘭

渡鵝湖

憂患迷寒暑春來抱寂寥
梅牕出身晚槩谷望雲遙
緩轡尋芳草輕巾倚小橈
綠江來活活楓嶽雪應消

忘憂嶺詠餓殍

始自何方至終迷誰子名
持瓢多若此蒙袂乍如生
無賴同胞說誠慚百鳥驚
經過便笑語行路少仁情

其二

一死緣飢凍窮泉沒姓名
天多從古憾春欲爲誰生
返舍吾難食橫途馬亦驚
施仁初不及掩骼亦人情

其三

萬物中爲貴千秋後立名
泡漚亦易化醉夢或虛生
感彼悠悠死循躬咄咄驚
求仁男子事宜擴此哀情

伏次伯父下寄韻

三洞集
千秋漫說武陵溪未見他奇只險蹊天上神僊尊雪
嶽人間殿最小麟蹄

其二

桃花暖日漲雲溪隱約幽期抱犢蹊一入丸泥封萬
古不知山外沸輪蹄

其三

平凡磔澗與花溪進步丹丘別有蹊隔嶺閉巖千仞
瀑僊人白鹿不容蹄

嶺閉巖皆在曲淵

伏次季舅江亭感興韻

落拓胸中事經綸卽水居元龍卧床後西塞買舟初

岸集忘機鳥難跳知樂魚吟餘煙月好十里散羣漁

合江亭

邂逅相逢水昭嶢自起亭丹青雲縹緲琴筑瀨清泠
春洞遙花出秋沙片月停超然上皇意嘯罷但虛汀

其二

迴勢超煙火翩然鶴立臯於焉卧傲吏左右響清濤
雲觸簾風散魚驚檻影遙嵐呈雪嶽更覺水源高

其三

萬里蒸湘逼千亭湖嶺空吾兄有明眼荒縣抗僊風
潭影令人淡灘聲與政通村氓來畫裏沙際玩牕櫳

送尹仲綱世紀之任成川

世路秋風蕭索同悠悠
皂蓋峽雲中降僊樓下江如
練萬事乘除到此空

喜見東海

忽過明波驛逾沙馬欲飛
天空百愁盡海巨一身微
葉舸飄無壁煙鷗浩不機
高波來犯路風輒捲征衣

伏次伯父下示韻

幽期晚踐此山中敢望巖樓
父子同明月寒潭好行
止為狂難學採薇翁

奉別晉州李使君益泰

遠惡無多地耽羅若晉州
朝廷有用處公輩曷嘗求
楸柚經酸齒枕榔又棘喉
神僊鰲背二隨遇足忘愁
喜同大有訪曹溪亦有隣
友相從長幼凡九人
牛馬騎者相錯巖也以五
歲兒隨焉巖即從子
信謙小字
九騎聯翩共向山看雲牛
背小童閒區中熱惱腸千
結瀉入曹溪一派寒

示大有

馬首蓮峰碧搖鞭興在斯
三年爾起疾萬事我忘悲
雪澗衝陰沍雲梯傲險危
床衾等蟬蛻容易二龍騎

其二

溟嶽曾無興堽麓始有詩助懽仍拉客聞健始登危
松桂連枝得溪潭儷影奇喜過如意舞終少酒盈卮
步虛閣感曩迹

依舊雲梯千仞斜躋攀數步起悲嗟天寒畫閣憑虛
立石老丹書被水磨半日扶藜終幻迹百年傳舍定
誰家前詩欲記蒼茫久注目陰崖已晚霞

歎寺殘

歎息人間世禪宮與是非食松僧散盡携酒客過稀
老樹臨溪病寒烏傍塔饑苔庭十年躡重踐倍沾衣
暮出洞口逢雪

山氣癘然石澗鳴龍鱗壞木卧縱橫寒雲擁馬危橋
短微霰沾衣返景明回首千峰俄黛色凝情半嶺有
鐘聲溪廻截過長安路愁逐遙郊暝靄生

苦槩堂詠梅上伯父

僊標定林下玉貌却城中色正長安雪香高嶽麓風
千秋同調少一室萬緣空邂逅水僊子清芬交一叢

其二

出山猶有伴相與住人間擁雪蕭條巷懸燈寂寞關
花疎仍妙理槎古是蒼顏卽此襟期淡應稀夢返山

宗嫂柳孺人挽

夫子圭璋望楓溪特出孫長途騏驥病幽匣瑟琴存
不替眉齊案誠求口未言真成形管懿有煒孝忠門

其二

晝燭經偕老霜閨又六年精神花石上形影栝楓前
故物爲完物終天仰所天含飴方晚境會劔莫遲延

其三

娣妙通融意見孫一視慈存時恩若此身後事因之
北砌寒萱謝西山短景移悽然求挽語深見二郎悲

其四

稔聞閨範備以與二郎游飽德臨池席承暉秉燭樓

虞歌今日哭劉傳異時修負土楊山願蒼茫雪滿丘

送養謙往畱麟衙仍使視谷口板屋

大雪平千峽孤尖只一山雲崖熊館錯冰棧馬蹄艱
到郡容多日連床定解顏伊吾得閒夜詩在合江間

其二

雪嶽新移築寒溪未絕緣往還仍父子幽顯自巖泉
板屋雲應守琴軒夢有牽蒼茫鹿門計畢竟在何年

乘潮向甘露寺

戊寅

微茫錢浦去山斷出香臺興逐長潮進船令遠樹來
浪花低歛灩斯片滯徘徊澹澹春風色驚鴻櫓外迴

登甘露寺樓

萬里江山勢蕭條此寺殘成虧麗代了同異潤州看
護井叢篁碧當樓古木寒停船不終日興慨浩千端

中原潤州
有甘露寺

中流望淨土東臺

宛在銀川泛天磨半晦明兩州渾雨色

一作文
雨點

三寺

隔潮聲舟楫中間闊鳧鷖上下輕天機隨地步觸目
興盈盈

淨土寺周覽

山自他州聳潮來此岸聞飄蕭松側蓋幽潤壁合文

井洞羣龍窟臺凌一鶴雲異時乘月至吟望定超羣

于多洞

海濱氣塊乾嵌空怪石稠路上于多窟指點竟誰搜
獨舍萬古意開口首陽隄行人但凝睇土叟漫句頭
猶云樵火爇煙氣出他州茲事理至深耳目或不周
側想鍾乳滴宛見蝙蝠遊人間所不載別有洞天幽
玉笥倘可徵吾欲于彼留

高注坂望首陽山城

蒼山諸郡來氣勢海西窄將為首陽屹平地立額額
遙鶩斯弭節拱衛紛趨逆千車儼鞬韜萬騎奮戈戟

望之吁可畏森然武庫逼駭目自遠坂欲進悚毛魄
徐徐有指點麗譙繚遙白雲扶却月形鳥歛凌風翻
金湯信天設怒瀑仍峻壁浮煙表儲胥呀然南門關
借問設此來曾摧幾勅敵人和古有說土崩今見迫
深沉廊廟筭俯仰書劔客延賞且一騎冉冉上千只

隱寂菴滯雨

山坡據地高嵐霧滯梵宮况茲風雨晦置身泱漭中
枕席大抵雲攬木雲則空寤寐非世事瀕洞度曙鍾
東方應已作暹黑尚牕櫺間戶悵復開屬耳聲不窮
颼爲萬木瀑澎卽衆壑潌詹雷知瀑布幾許添雪虹

奇賞滿前程滯愁結溟濛呼僧屢倚堞試看雲行東

石潭九曲

九曲有源委循序在徐遵我來無嚮導窺深或迷津
嵐靄復氤氳石門駐馬頻隱屏蘊幽靚松厓抗嶙峋
巖泉亦自佳猶恐媿主人將非圓形物不比最靈身
先生於是高彌恨後清塵低徊信忘歸蔭映戀昏晨
空院披短屏粉墨會清真繚繞松下道微茫漸海濱
遍搜則未暇九歌以暢神餘韻水澹澹對岸肅風榛

過故宅

顯顯在田龍皎皎空谷駒先生進退間靡不與道俱

洗耳豈素尚松鹿亦非徒 聖王偶許歸浩然林下
軀乘化忽百載丘園尚獎廬曾無半畝田未朽一笥
書皤皤白首孫寂寞草潛夫叩門得遺聞文獻其不
無鹿車仰同德棹楔嗟刑于感慕於茲深溪堂悵踟
躕循砌跂蒼磯暮煙川光虛依依杖屨夕飯後此觀
魚要識迹所存一皆道之餘

架空菴撫迹興感亦有凌虛臺也

求觀架空菴攝衣上迢遞礧礧石垂崩古道一線細
崖窮身已高俯閱大川逝凌虛豈漫號縹緲可遺世
悠然招隱詠暮雨倚松桂東臯稍霽色村墟間杳靄

澗道雖曲折上源無盡菽洋洋絃誦所目下列體勢
高深自巖泉布置揜經濟小菴亦崖隙殘瓦考遺制
茲其鼓篋棲觀志且游藝傳說蓋如此今也則荒替
孤高僧莫守愀悄吾欲涕先生所飲泉缺甃延薜荔
誰能滌以清毋使活脉閉惆悵暮將下百年樹下憇
畱宿精舍將發有感

昨日誦遺書今日到石潭憤悱若有啓悅承金玉音
周旋風詠壇觀瀾復浩吟巖流散理妙齋舍會道心
誠能辨久畱遺緒庶可尋紛披衆難胸寂寞獨歛襟
琴灘夜來雨浪痕蕩花巖臨橋有嘶馬回首悵春林

誰能繫我馬以待紅綠深沉思柳磯話復欲戀幽澗

其二

晚世師友廢蕭條此世道皓天意如何弟子嗟已老
歸來石潭幽濯我衰鬢皓求端庶在此俛仰感盈抱
循迹亦易窮會意有餘好溪雲往來禽崖雨次第草
藹然滿谷春先覺玩已早方嗟來苦晚又被歸意惱
山門便歧路欲往泥浩浩堪羨守院奴朝夕供洒掃

五祀

東方有朱子武夷則高山神山九折溪邂逅又同濟
誠明道既契仁智樂相關猶懷逡巡意退處黃李班

餘師取諸近歷選亦慎難陶山氣味淵靜菴模楷端
宗哲展也備仁祠啓椽欒招招坡山伴講研迨我閒
悠哉大道源浩然碩人寬宮商待細叶牌拂擬雙安
存沒願雖違遺規斯可觀因仍俎豆並苾芬臭惟蘭
閭然森列侍紫陽其怡顏紹賢揭璿題煥彩發巖巒
道存一壑大世獎五祀完能令後來人戀境久盤桓
春容棹歌韻俯仰隱屏間風流以弘長氣像如是看
猗歟石潭主山立不可攀

神光寺隨喜

天下豈無寺神光最可觀可惜鬱攸後梵宇多未完

猶有滿壁畫聳動觀者顏金樓儼像容寶幢飄堂壇
香雲捧佛日悅可聞梅檀隨喜跟闍梨曲折度雕欄
回廊達幽殿換面各彩丹迷燼有數佛古色結眉端
幽峭羅漢寂窈窕觀音安衣波風乍動握蓮露不乾
種種妙莊嚴人游兜率間胡元於此勞塔刻至正殘
頽院忽惆悵不見天台山石梁半月淪瓊臺死灰寒
由來幻中幻今已有所還空理因可討恨無古豐干

冒雨逍遙峰

清泉海西稀洒落石槽中漱之仍溯源披拂向蔥隴
豁然雙樹間圓秀八九峰逍遙峰最奇半身嵐翠濃

玩賞未云厭姪兒詠而從散步問峰名沾體望雲容
雲容紛萬態昏映蓮宇東天台山滅處佇立不移筇
遙菴在別巘好僧隱枯楓筍輿欲有往松雨晚濛濛
悵然面回廊幽意積萬重陰淡遂成夕已有南樓鐘

文憲書院

麗朝崔文憲
公冲饗祀

崇山松櫪根翳翳出蒙泉流到文憲堂演漾爲廣淵
蒼屏俯崢嶸白石承清漣隔岸問揭妥已有樵夫傳
山雨我馬駐一蓑廟門懸趨謁豈敢怠斯人亦儒賢
勝國旣椎朴海鄉益顛顛倏然西河風墜序破荒天
絳帳捲碧城鹽戶半誦絃論其草創功驅難石潭前

三淵集
惠訓何可忘俎豆遂千年局除肅弘敞襟抱納香綿
長橋度游人迴激滯小船天陰槐杏潤春意藹將宣
豐豐傍海去惓惓戀一川

許亭

知人固未易山水亦難知妙賞存不瞬篤論真有誰
詞人漫取興官輩多忙馳所以許亭名由來動京師
趨轅盡名賢品題遍軒楣羸糧我始到聞見竟參差
荒藪海色損醜石潭心窺危哉老龍幹一區賴撐持
索莫竟何取蕭條止於斯可笑千金價虛高徒爾爲
驅馬捨之去東方富清奇

三三日在松栢堂憶伯父入曲淵而恨不得從
焉感興成詠謹此追呈

今日憶何處東望渺煙霞窈窕萬峽春幽事曲淵多
伯父方命駕獨往意如何筍輿誰導者山鳥鳴相過
遙探水簾隱初入石門峩賞玩隨淺深曲折入雲蘿
松風吹鶴鬢霜髯向水皤幽幽叢桂詞落落採薇歌
已悟塵世隔更嗟心期遐撫我白板屋幾回惜蹉跎
矯首或嵐嶺倚策乃庭柯興想松栢堂一一像婆娑
音咳未始睽品題豈殊科丹書八大字千萬畱巖阿

尹僉正坪挽

冥漠泉臺事真能父子游百年難制淚長夜屢回頭
苦樂無從較瞻依永此休嘉緣殘一線孀女目前留

續題

世誼蟬聯百載賒金蘭夙好講婚家論文例及先風
雅對榻清陰與白沙

其二

朝來繞膝鳳雙鳴夕已霜庭寡鵠聲狼狽嘉緣風散
燭說來泉下也魂驚

其三

悲中苦語語中情喪後逢迎眼倍青點檢隔年盈篋

札捻緣孀女費丁寧

其四

泉臺南面樂無窮人世西河愛卽空料理未亡都屬
我哭公時復怨乎公

其五

成山埋玉奄回春墓草萋萋合綠蘋一道澄江延望
思孝魂應復逐靈輶

其六

皎月微霜愴白門春江欲曙嬰旌翻親朋一哭臨流
斷泉路遙遙卽上源

三洲

亭成應早晚高岸且平床望裏沙洲曠談間鴻鴈翔
秋風頻老木落日暫清觴坐閱歸舟盡灘聲滿耳長
奉贐李仲剛赴燕

忼慨當初意崢嶸抗疏聲朝家有驅使分謗在茲行

其二

周粟看如糞夷齊義若何愁君玉帛路無計避灤河

其三

僕僕穹廬拜振振畢使迴澡身東海在百斛用純灰

未句一作鶴
浦好亭臺

嵐臺侍坐伯父值大雪新霽話及錦湖峒隱二

事而疊疊焉退遂演繹其旨各賦七言律以呈

文會湖堂列彥儒當中豪話獨掀鬚雕蟲翰墨君曹

劣逐獸山岡我馬麤櫟火投鮮風味別壑雲飄雪醉

顏蘇千秋點瑟鏗然後始見陶山許錦湖

其二

蕭條孤寄白雲村峒老長留卧雪言白盡千崖餘逕

斷清歸一室此身尊疎藩虎迹知多少虛院松聲任

寂喧便見袁安猶不穩終煩洛尹暫呼門呼一作開

槩溪雜詠

三淵集
峽裏今多虎新添招隱言林棲焉可廢塵世亦多喧
廬岳僊人杏夔州拙士藩高低見智術風雪且關門

其二

悠悠去就義頑自戀東峰城市談皆虎雲林卧是龍
擁扉三面雪吟壑五更松夷險元無準尊吾浩氣胸

其三

稍稍山光暝虛牕對遠峰竟無人渡澗頻見雪飄松
靜地應書史寒天尚井春衡茅已就理虎豹肯相容

其四

每戀山房爨求衣罕及星晨光催櫛髮夜氣用研經

處僻何師友回光只性靈開門松雪在於此又惺惺

又賦

荒山蕭瑟櫺籬前作炭峰峰有暮煙風雪數番寒事
及閉門將復了今年

曉吟

山舍無雞不辨更夢回唯有遠灘聲參星所到心知
處月峽西南萬木橫

三洲雪後

黃昏掃雪立亭臯雪下霏霏又滿袍積素汀洲形勢
幻憑虛人物嘯歌豪光中曲折平灘瀉暝後圓明絕

三洲集
岸高滯在煙沙是何物山陰遠興落漁舸

又賦

雲雪糝糊岸風灘大小聲開牕方獨立視夜定何更
院火疑星點村猶作豹鳴靜言生百感殘臘忽余驚

其二

千古興亡事羣書積此樓江山夜方寂兒女話相酬
裘鉞歸閨閣丘原共帝侯遷迤當世及風雪莽生愁
仲氏念茲寂寞投示以梅詩十餘篇其中有以
疎影橫斜水清淺分韻爲五言古詩尤堪諷誦
余愁中讀之爲之破顏不待索和而欣然於效

頌蓋不惟繼志亦以對屬不可不完爾

去年松栢堂梅與共冷淡單疎數瓣白炯破一室暗
楓溪遲暮託永好不爲暫清芬眇余福枯樹抱餘憾

其二

憶梅若久渴詠梅閱舊章娟娟隔年姿復接江樓香
人卉兄則同賓主宅已忘寧堪愁寂夜未遑湛樂觴

其三

獨鶴叫遙天弄雪下三洲冰灘有韻折素舸夜可浮
迢迢有梅岸風檻聳新樓孤山豈待較古人亦此遊

其四

古貌綠苔鬚鐵骨挺巖嵒偃蹇萬態捐沕穆太和檢
暖津所流行小白千點永江風莫助香往往縹枝動

其五

清祠肅扃除數松立兀兀梅來求入社香爲俎豆發
冷蘂吸江雪疎梢挂山月先風敢自墜冰玉思鍊骨

其六

萬象始諸素文繁乃紫黃古人品題疎茲賞氣味長
君看冷穆容能含萬斛香西山採薇士大哉清微揚

其七

悠悠氣序窮漠漠世氛昏孤清持以立殘臘驅可翻

蘇世是我師江樓一盃尊塵編且暫拋活機於斯存

過廣津黃氏亭感懷

風颺川原雪似波廣陵西去早寒多微茫遠岸韜朱
閣曲折長灘度白驪霽目天邊隨汗漫清愁鞍上起
吟哦他年玉立人何在索笑軒南把淚過

其二

凌兢冰渡暫時心立馬江天一浩吟高閣下簾梅影
秘虛船著岸鯉魚深廣陵風味涼如此黃子音塵聞
至今回望我山顏色淡晚風殘雪落高林

三淵集卷之六



